

Ma tha thu a' cumail taic ri



's e a-nis an cothrom agad a
bhruidhinn

Dè th' ann an **Nàisean Ath-fhiadhachaidh Ùr?**

Smaoinich air Alba far a bheil fiadh-bheatha lìonmhor, far a bheil na cnuic air an còmhachadh le cleòca de choilltean dùthchasach is mòintichean fallain; far an tig flùraichean fo bhlàth air na raointean is far a bheil boglaichean làn bheatha; far a bheil feòir-locha mòra gorma a' sgaoileadh thar grunn na mara is leapannan eisir a' cumail taic ris ar costaichean fiadhain.

'S e seo **Nàisean Ath-fhiadhachaidh Ùr.**

Smaoinich air Alba a tha làn choimhearsnachdan beòthail, far a bheil ath-leasachadh nàdair a' brosnachadh 's a' cumail taic ri iomairtean ionadail, far am faigh daoine de gach aois obraichean buannachdail, agus far a bheil cruthan-tìre le beairteas nàdair ruigsinneach dhan h-uile duine, ag ath-dhùsgadh ar ceangail ri mìorbhailean an t-saoghail nàdarra.

'S e seo na tha **Nàisean Ath-fhiadhachaidh Ùr** a' ciallachadh.



Carson a bu chòir **Nàisean Ath-fhiadhachaidh** Ùr a bhith ann?

Tha na siostaman-beatha air a bheil sinn uile an eisimeil gan cnàmhadh, a' lagachadh a' chothruim a th' againn air biadh, fìor-uisge is adhar glan, a' cur bacadh air a' chomas againn carbon a chumail air falbh, agus a' dèanamh cron air ar slàinte is sunnd.

A-nis 's i Alba tè de na dùthchannan air thalamh a tha as motha gann nàdair. Mar a bhios briseadh na gnàth-sìde a' luathachadh agus call nàdair a' leantainn, tha cunnart gun choimeas mu choinneimh ar dòigh-bheatha is àm ri teachd ar cloinne. 'S e nàdar ar taic-bheatha - is tha e ann an cunnart.

Ach, tha dòchas ann fhathast. Chan eil e ro anmoch. Tha ath-fhiadhachadh a' toirt cothrom dhuinn beatha a thoirt air ais dhan fhearann is na cuantan againn, ag ath-bheothachadh pròiseasan nàdarrach, ag ath-stèidheachadh seòrsaichean a chaidh air chall, a' saoibhreachadh choimhearsnachdan, agus a' togail tapaidheachd an aghaidh nan dùbhlàn a bhios ann san àm ri teachd.



Àm chothruim do dh'Alba

Faodaidh na h-èiginnean nàdair is gnàth-sìde a bhith nam mòr-uallach. Dè nì duine mu dheidhinn? Faodaidh sinn uile tighinn còmhla fo aon theachdaireachd shoilleir. Tog do ghuth còmhla rinn, a dh'iarraidh air Riaghaltas na h-Alba ar dùthaich ainmeachadh a' chiad Nàisean Ath-fhiadhachaidh san t-saoghal, a' gealltainn ath-bheothachadh nàdair air feadh 30% den fhearann is na cuantan againn.

Tha còrr is 150 pròiseactan ath-fhiadhachaidh air feadh na h-Alba mar-thà, bho choilltean coimhearsnachd gu com-pàirteachasan cruth-tìre, ach feumaidh sinn barrachd a dhèanamh. Tòrr a bharrachd! 'S e sin an t-adhbhar a tha Caidreachas Ath-fhiadhachaidh na h-Alba air a' Chairt Nàisean Ath-fhiadhachaidh a chruthachadh.

Tha sinn ag iarraidh air a h-uile duine leis an aon dòchas is a tha a' faireachadh dè cho deatamach 's a tha a' chùis ur guthan a thogail, a' cur ur taic an cèill do cheithir prìomh phrionnsabalan.



A' Chairt Nàisean Ath-fhiadhachaidh

1 Ath-fhiadhachadh gus Nàdar Ath-stèidheachadh

Tha nàdair mar bhunait a' bhith a dh'itheas sinn, an adhair a dh'anaileas sinn agus an uisge a dh'òlas sinn, ach chan urrainn do nàdair a chumail a' dol a thoirt nan seirbheisean seo nuair a thathas a' gabhail brath air gun sgur. Tha ath-fhiadhachadh a' toirt an dòchais as fheàrr gus slàinte a thoirt air ais dhan t-saoghal nàdarra air a bheil sinn uile an eisimeil.

2 Gar n-Ath-fhiadhachadh Fhèin

Tha nàdar as fheàrr nuair a tha e fiadhaich is gun dùil - làn annas, aoibhneas is iongnaidh. Ma tha sinn ag iarraidh tlachd a ghabhail às na toraidhean nàdair, nach ionnsaich sinn a ghabhail ri barrachd mì-chinnt, taic a thoirt do cho-bhith le fiadh-bheatha is barrachd àite a dhèanamh do dh'fhiadhachas nar beathannan làitheil.

3 Ath-fhiadhachadh do Dhaoine

Chan urrainnear a dhol air adhart mar as àbhaist. Tha e riatanach a-nis a bhith ag atharrachadh mar a nì sinn rudan, ach feumaidh a h-uile duine a bhith an sàs san atharrachadh sin. Tha sinn a' toirt cuireadh mar sin do dhaoine a thighinn an sàs ann an ath-fhiadhachadh na h-Alba. Ag obair còmhla, 's urrainn dhuinn Nàisean Ath-fhiadhachaidh nas sheasmhaiche, nas cothromaiche a dhèanamh, às am faod sinn uile a bhith moiteil.

4 Ath-fhiadhachadh aig Ìre Mhòr

Faodaidh ath-fhiadhachadh na mìrean a tha air fhàgail de nàdair ath-cheanglachadh is mheudachadh - a' cur car de chall bìth-iomadachd sna ceàrnaidhean beaga iomallach seo. Gu cudromach, bhiodh ath-fhiadhachadh aig ìre mhòr a' toirt ceangailteachd air ais aig ìre a' chruth-tìre, a' leigeil le fiadh-bheatha soirbheachadh agus gar cuideachadh ann a bhith a' dèiligeadh ri briseadh na gnàth-sìde.

Cùm Taic ris' a' Chairt Nàisean Ath-fhiadhachaidh

'S e seo an cothrom agad do thaic airson ath-fhiadhachadh ann an Alba a leigeil fhaicinn le bhith ag earalachadh air Riaghaltas na h-Alba Alba a ghairm na Nàisean Ath-fhiadhachaidh, a' gealltainn do dh'ath-shlànachadh nàdair thar 30% den fhearann is na cuantan againn - a' toirt buannachd do nàdar, na gnàth-sìde agus daoine.

Cuir d' ainm ris a' Chairt an-diugh ma tha thu ag iarraidh 's gum bi Alba a' chiad **Nàisean Ath-fhiadhachaidh Ùr**

rewild.scot/chairt